

შინაური საქმეები.

ქველ კვირული გაზეთი

№ 12.

შასი ორი შაური

წლიური ფასი 5 მან

წლის დამლევად

1 მ. 70 კ.

წელიწადი მეწოდე.

კვირა 13 ენკენისტოვე 1915 წ.

ქუთაისში სასულიერო სემინარია გაიხსნა!

ბედნიერი შემთხვევა გვეძლევა, ვაუწყოთ მთელ დასავლეთ-საქართველოს სამღვდლოებს, რომ ქალაქ ქუთაისში გაიხსნა სასულიერო სემინარია. წელს პირველი ორი კლასი იქნება მოთავსებული სასულიერო სასწავლებლის შენობაში. შემდგომისთვის საკუთარ შენობასაც გაუჩვენენ, როგორც ფიქრობთ, სალონოებზე, ქალაქის საავთმყოფოს ახლოს, რადგან პირველიდან არჩეული ადგილი ვიწრო გამოდგა, ასეა, თუ ისე, ნეტარხსენებული გაბრიელ ეპისკოპოსის ხელთა საქმე კვლავ აღსდგა და აღსდგა იმ დროს როცა სამშობლო ეკლესიას ასე რიგათ ეკირვება განათლებული სამღვდლოება და როცა სემინარიელებს ფართო უფლებებზე მიეცათ. სხვადასხვა მაღალ სასწავლებლებში შესვლისა სემინარიის მეოთხე კლასიდან. ამიერიდგან სემინარია ორ მიზანს განახორციელებს: მისცემს ქვეყანას მოწოდებით მღვდლებს და შეიძლებინებს ღარიბი მღვდლის შეიღებს, რომელთაც სამღვდლო მოწოდება არა აქვთ, განაგრძონ სწავლა საერო სასწავლებლებში. ეს დიდი ბედნიერება მიადგა ქართველ დასავლეთ-საქართველოს სამღვდლოებს, რომელსაც დღეიდანვე შეუძლია მოათავსოს წვილები ქუთაისის სემინარიაში და თავის მკადზე და ლობიოზე გამოზარდოს. კეშმარტად დღეს აღგვიდგა გაბრიელ ეპისკოპოსო! მაგრამ ვის უნდა უმადლოდეთ ამ მოულოდნელ ბედნიერებას და ისიც იმ დროს, როცა თბილისის

სის სემინარიის მოქმედება შეჩერებულია ომიანობის გამო?

მის მაღალყოვლადუსამღვდლოესობას საქართველოს ეკლესიის მოჭირნახულე ანგელოზს მოწყალე მამას პიტირიმს მოვიდა თუ არა ახალსამწყსოში, მისმა სიყვარულით აღსავსე გულმა მაშინვე იგრძნო ერთი უმთავრესი საქროებათაგანი თავის სამწყსოისა და არ დააყოვნა შესაფერი შუამდგომლობის აღძვრა, და რომ საქმისთვის მეტი ფასი დაედება თან გააყოლა საქმეში დაინტერესებული საქართველოს ერთი მოწინავე მღვდლომთავარი ყოვლადსამღვდლო ლეონიდა. შუამდგომლობა, როგორც ვხედავთ, დავეირგვინდა... ამიერიდგან იმედი გვეძლევა, რომ მისი მუხუფების სხვა შუამდგომლობაც შესახებ საქართველოს ეკლესიისა ასე სისიკეთოდ დავეირგვინდება. მაგრამ ესეც საქმარისია, რომ მამა პიტირიმის ლობიერებით და სამწყსოსადმი უანგარო სიყვარულით აღსავსე სახე საუკუნოდ აღიბეჭდოს ქართველ ერისა და სამღვდლოების მაღლიერ გულში. ჩვენ არ ვეკობთ რომ, როცა სემინარიას საკუთარი შენობა გაუჩნდება, ერთ-ერთ მის საუკეთესო დარბაზს შეამკობს დასავლეთ-საქართველოს სემინარიის ორი მოჭირნახულე მამის სურათი მაღალყოვლადუსამღვდლოესის პიტირიმისა და ნეტარხსენებულის გაბრიელისა.

რედ. მლ. ს. მკვდლიძე.

რედაქციისაგან.

გამხნევებული მეგობრებისაგან და თანამშებების მცირე ნაწილისაგან, იმედნე-



ული, რომ სამღვდლოება, განსაკუთრებით იმერეთისა, შეინახავს ერთ ორგანოს სასახელოდ და სასარგებლოდ მშობელი ეკლესიისა და ერისა, სრული დარწმუნებით, რომ პირუთვნელ ქრისტეს სარწმუნოებით გამსჭვალულ ორგანოს საჭიროებს დღეს ჩვენი სამშობლო მხარე და სამღვდლოების გართულებული ცხოვრება, მიუხედავად დიდისა და პატარა მტრებისა, თუ მეშურნეებისა, ვიღებთ ხელში კალამს და შეწვევითა ღვთისა ვიწყებთ დროებით შეჩერებულ ეკლესიურ — საზოგადოებრივ გაზეთ „შინაური საქმეების“ გამოცემას. ესთხოვთ ყველა ჩვენ ყოფილ თანამშრომლებს, ნუ მოგვაკლებენ თავის უანგარო თანამშრომლობას, აგრეთვე ყველა თანამოაზრე მღვდლებს და მეღვთისმეტყველებს თავის ზნეობრივ და ნივთიერ დახმარებას.

გაერთის დაკვეთა შეიძლება ჯერ მხოლოდ 1916 წ. პირველი იანვრამდე და ელირება პირველი ეკენისთვიდან წლის დამლევამდე ერთი მანეთი და 14 შაური. ქალაქის საყოველთაო სიძვირის გამო გაზეთი ამ ხანად ნახევარი ზომისა გამოვა. გაზეთის დაკვეთა და ფულის გამოგზავნა ამ მისამართით შეიძლება: Кутансь. Редакция „Шинаური საქმეები“.

რედაქტორი. მლ. ს. შვედლიძე.

უადგილო შიში.

(აქარღებ-ქობულეთლების გათვით ცნობიერების შესახებ)

დიდი ხანია, რაც ქართულ პრესაში ქართველი მოწინავე საზოგადოების მხრივ დაიწყო მოძრაობა შესახებ გამახშირებულ ქართველების გათვითცნობიერებისა ეროვნულ ნიადაგზე. საგანი ფრიად მნიშვნელოვანია, როგორც ყველა ხედავს. მაგრამ როგორია

საშუალება, რომელსაც გვიკარნახებს იგივე მოწინავე საზოგადოება? მისი აზრით ნამდვილ ქართველთა და მახშირიან ქართველთა შორის უნდა გაიმართოს მისვლა მოსვლა-ექსკურსიები, აზრების გაცვლა-გამოცვლა, რომლის დროს პირველებმა უნდა შეაგნებინონ მეორეებს, რომ აქარა-ქობულეთი საქართველოს ტერიტორიის ერთი საუკეთესო ნაწილი იყო და არის და მკვიდრი ამ ნაწილისანი, ძველი მესხნი, იყვნენ და დღესაც არიან ტომით ქართველნი და არა თათარნი, ან ოსმალნი, როგორც იგინი თავისთავს უწოდებენ. ამავე აზრის გასატარებლად მახშირიან ქართველთა შორის უნდა ვრცელდებოდეს ქართული წიგნებ-წიგნაკები და არსდებოდეს ქართული წმინდა ეროვნული სკოლები. ამას უნდა დაერთოს ურთიერთის დახმარება გაქარვებაში, რაც ჩვენი მხრით მახშირიანი ქართველებისადმი წელს, სამწუხაროდ, გამოიხატა რაღაც უმნიშვნელო გროშებში, რაც, დარწმუნებული ვარ, ოდნავაც ვერ გაუნელებდა მათ გაქარვების ცეცხლს. მართალია, „კეთილი გულით მოძღვნილი, მკირე-დიც შეიწირება,“ მაგრამ ამას დრო გააჩნია და ადგილი.

რაიცა შეეხება ქრისტიანულ სარწმუნოებას, რომელიც იყო აგრეთვე ძველი მესხეთის სარწმუნოება, და რომელიც აკავშირებდა მას მთელ საქართველოსთან, ამაზე ჩვენი მოკარნახეების აზრით კრინტიც არ უნდა დაიძრას, სიტყვაც არ უნდა ითქვას, რომ ერთბაშით და საბოლოოთ არ ჩამოვიშოროთ ძლივს დაახლეუებული ძმები. ჩვენი პრესაც სასტიკათ იცავს პრინციპს სარწმუნოების გარეშე ურთიერთობის და ეროვნული ერთობის განმტკიცებისას. თუ მესხიერება არ მალატობს, მხოლოდ ერთხელ, და ისიც ისევე მახშირიან ქართველების მხრივ, აღიძრა სარწმუნოებრივი საკითხი, რომ ეროვნულად გაერთიანება უთუოდ სარწმუნოებრივ გაერთიანებასაც მოითხოვსო, რაზედაც ვილაც კორესპონდენტმა სახ. ვაზეთისამ (კარგათ არ გვაგონდებ) რაღაც ზღაპრით, თუ იგავით უპასუხა, რომელშიდაც ვითომ ის აზრი გამოხატა, რომ შეგვიძლია სარწმუნოება არ შევიცვალოთ და ძმები კი დავრჩეთო. მიიღო, თუ არა, პასუხი კორესპონდენტმა თავის იგავზე მახშირიან ქართველების მხრით, არ ვიცი, მაგრამ მახშირიანი ქართველები რომ უფრო გონიერათ და

შეგნებულად მსჯელობენ ამ შემთხვევაში, ეს უკვლად უეჭველი უნდა იყოს ყველასათვის, ვინც განძრახ თვალს არ იხვევს და სინამდვილეს ორთავ თვალთ უყურებს.

სარწმუნოება არის ის ერთად ერთი ძტკ-
ცი კავშირი, რომელიც ჰქმნის და იცავს
ეროვნულ მთლიანობას. ირღვევა თუ არა სა-
რწმუნოებრივი მთლიანობა, ირღვევა ეროვნუ-
ლი მთლიანობაც, გაჩნდა თუ არა სარწმუნო-
ებრივი მთლიანობა შედლულდა ერთი და შექმ-
ნა ერთი მთელი სმზოგადოებრავე ერთეული.
ეროვნულ მთლიანობაში დიდი მნიშვნელობა
აქვს არა თუ რომელიმე სარწმუნოებას, არა-
შედ იმ განსხვავებასაც, რომელიც შეაქვს ერ-
ში მწვალელობას და ეკლესიურ განხეთქი-
ლებასაც კი. მაგალითებზე შორს არ წაველთ
და ვისარგებლეთ ისევ გამახზადიანებულ ქარ-
თველებით. ესენი, სანამ ქრისტიანები იყვნენ,
შეადგენდნენ ერთ მთელ ეროვნებას დანარჩენ
ქართველებთან, გამოიკვალეს თუ არა სარწმუ-
ნოება, დაჰკარგეს ეროვნული გრძნობაც და
შექმნეს ეროვიული ერთეული თავის ერთ-მო-
რწმუნე ერთან-ოსმალეებთან, ან თათრებთან.
დღეს ამ გამახზადიანებულ ქართველი ერის ნა-
წილს ვერ დარწმუნებ, რომ იგი თათარი არ
არის, რომ მისი სამშობლო საქართველოა და
არა ოსმალეთი. აქ ანგარიშში მოსაყვანი არ
არის ის ორიოდ ნასწავლი მახზადიანი ქარ-
თველი, რომელსაც სარწმუნოება, რომელიც
უნდა იყოს იგი, ფეხებზე ჰკიდია.

მე პირადად ხშირად შემხვედრია მახზადიან ქარ-
თველებთან ეროვნობაზე ლაპარაკი და ვერაფრით
ვერ დამირწმუნებია, რომ იგი ტომით ქართველია
და სცხოვრობს. საქართველოში. უთუოდ ბევრს
სხეასაც მოუხდებოდა ასეთი ლაპარაკი და
დამიმოწმებს.

— რა გვარი ხარ შენ? ვეკითხები მახზად-
დიან ქართველს.

— გორგოძე ვარ, ბატონო.

— მო, ძალიან ხასიაშოვნო, ქართველი
ყოფილხარ. ძალიან მიხარია, რომ ქართველთან
მაქვს საქმე

— შე ქართველი არა ვარ!? განკვიფრებით
მიპასუხებს გორგოძე, მე თათარი ვარ!

— როგორ თუ თათარი? შენ გორგოძე
ხარ, უთუოდ აქარელი, გვარი ქართველის გა-
ქვს და მიწა-წყალი, ენაც ქართული გაქვს.
ისლამის სარწმუნოებას აღიარებ, ვიცი, მაგ-
რამ შენი წინაპარი ხომ ქრისტიანი იყო, რაც
უთუოდ ბევრ თქვენგანს კიდევ ახსოვს, მაშ,
საიდან ხარ თათარი?

— არა, მე თათარი ვარ, ქართველები
გიაურები არიან, იყო უკანასკნელი პასუხი
გორგოძისა. და ეს არა პირველი და უკანას-
კნელი საუბარია ჩემს ცხოვრებაში მახზადიან
ქართველთან; ასეთი საუბარი არა ერთთან და
ორთან მქონია, მაგრამ უკანასკნელი პასუხი
ყოველთვის ერთი და იგივე ყოფილა: „მე თა-
თარი ვარ, ქართველები გიაურები არიან“....

როცა ასლან-ბეგ აბაშიძის ვინაობა გამო-
ვიკითხე მისი ოალატის გამო, მითხრეს, იგი
თათარია ამ სიტყვის ფართო მნიშვნელობით.
თურმე ერთხელ მას უთხრეს შენში ქა-
რთველის სისხლი სდუღსო.

— სადა, იკითხა ასლანმა, აქა?-დაიდვა
ხელი მარცხენა ხელის გულზე, — მაშინ აქ მო-
ვიტრი — უჩვენა მაჯაზე. აქა? — უჩვენა მწყურთაზე,
— მაშინ აქ მოვიტრი, — უჩვენა იდაყვზე, და
თუ აქა და აქ მოვიტრი, — უჩვენა გმირმა მხარ-
ზე. დანამდვილებით ვერ მოვახსენებთ, თუ
ეს მართალია, მაგრამ ძალიან კი ჰგავს ქარ-
თველ მახზადიანის მსოფლ-მხედველობას და
არც შეიძლება სხვაფერად.

უკიდურები.

(შემდეგი იქნება.)

თვალეხს ნუ ვეხვევთ!

(პასუხად სამარხი კასის გამგეობას.)

(იხ. შინ. საქ. № 10 და გაზ. «სამშობ.» №№ 151 და 152)

სამარხი კასის გამგეობას მოუსმენია ჩვენი
წერილი და კაი-კაი ბრანწებიც აუყოლებია:
ბრანწი, ბ. „ვინმე ღვდელი“, ვერ მოგართვეს
პამიდორი, „თქვენმა წერილმა ვერ მოახდი-
ნა გამგეობაზე ისეთი შთაბეჭდილება, რო-
გორსაც ალბათ თქვენ მოელოდითო“ (ხაზი
ჩვენია). ჩვენ რას მდველოდით გამგეობისაგან?
სწორეთ იმას, რაც მოხდა, რადგან ღრმით დარ-
წმუნებული ვართ, რომ „ГДЪ ДО ПРИБЛИЖИ
КОСНЕТСЯ, ТАМЪ НЕ ТОЛЬКО ГУСЯМЪ НО И
ЛЮДЯМЪ ДОСТАЕТСЯ“, და როცა საქმე სარგებ-
ლობაზე მიდგება, იქ ზნეობრივ სიწითლეს, ე. ი.
სირცხვილს ადგილი არ აქვს. რომ უსუსურე-
ბათ და პრიყვებათ არ მივეჩნიეთ, ჩვენ მხო-
ლოდ ვამხილეთ გამგეობას ის, რაც მისთვის
მისხავე კეთილ გონიერებას უნდა ემხილებია
თავის ღრობზე. ამიტომ ჩვენ სრულებით ანგა-
რიშს არ ვუწევთ იმას, თუ რა გავლენა იქო-
ნია ჩვენმა წერილმა გამგეობაზე. ჩვენ უფრო-

მისი ფიქრში ვიყავით, თუ რა შთაბეჭდილება მოახდინა ჩვენმა წერილმა საზღვდელეობაზე, ნამდვილი გამოძახატველი გავხდით ამ შემთხვევაში მისი სულის კვეთებისა და კანონიერებისა, თუ არა? *)

თუ ჩვენ წერილს გამგეობაზე სასურველი გავლენა ვერ მოუხდენია, მაგიერათ გამგეობის პასუხმა სრულებითაც ვერ შეგვიარსია ეს რწმენა რომელიც გამოთქმულია ჩვენ წერილში. ჩვენ ვამბობთ: 1) უფლება წაგვართვის; 2) გამგეობის შემადგენლობა უკანონოა, რადგან სრული თავის შემადგენლობით სამლედლოების ნდობით აღჭურვილი არ არის და 3) მთავრობამ თავის წესდება მოგვახვია თავზე ჩვენი სურვილის წინააღმდეგ. ამავე აზრის ვრჩებით დღესაც, მიუხედავად გამგეობის გრძელი პასუხისა, რომელიც ვაკიპულია გაზ. „სამშობლო“-ს ორ ნომერში და აი რატომ: წესდების ძალით სამლედლოების უფლებაშია გამგეობის წევრების არჩევა (მათ დამტკიცების შესახებ წესდებაში არაფერია მოხსენებული). სამლედლოების არჩეული გამგეობისაგან ყოვლადსამლედლო გიორგიმ თავის ნებით გამორიცხა ერთი წევრი, სახელდობრ, მლედელი სიმონ შველიძე, აღბათ რომ არ მოსწონდა იმიტომ, და სხვა დანიშნა. **) სმარბი კასა არ არის რომელიმე სახელმწიფო დაწესებულება, ეს კერძო დაწესებულებაა, რომელიც სამლედლოებას შეუძლია აწარმოოს გარეშე სასულიერო მთავრობისა, იმიტომ მის მეუფებას უფლება არ ჰქონდა ჩვენი არჩეული წევრი უარყო, როგორც არ ჰქონდა ამის უფლება კანტორასაც, რომელმაც მთელი გამგეობის არჩევა მათ მეუფებას მიანდო სინოდის დამტკიცებულ წესდების ცხადი მოთხოვნის წინააღმდეგ. მ. ს. შველიძე იმერეთის სამლედ-

*) გახვთსაჲ სწორეთ ამით მოატეს თავი რომ იგი ნამდვილი გამოძახატველი სამლედლოების სულის კვეთებისა და კანონიერებისა და იმიტომ დასტამბა „ვინმე მლედლის“ წერილი!

რად.

**) რედაქციას საქმით მიახნია განმარტოს, რომ არც რედაქციას და არც სამლედლოებას არაფერი წინააღმდეგი არა აქვს პირადთ იმ პირთან, რომელიც მისმა მეუფებამ თავის უფლებით ჩააყენა გამგეობაში.

რად.

ლოებამ ხმის უმეტესობით ორჯერ აღჭურვა სახელმწიფო საბჭოს წევრის ნდობით და თუ ყველაფერი მბოი მეუფების უფლებაშია, რომ გორც გამგეობა გვიბრძანებს, არც სახელმწიფო საბჭოში უნდა მიეღო მისი კანდიდატურა. ცხადია, აქ უფლების დარღვევაა.

ყოველი ამხანაგობის, თუ საზოგადოების წესდებას, თუნდა „ყუახანისასაც“, რომ სათანადო მართებლობა ამტკიცებს ეს საზოგადო კანონია, მაგრამ არ გავგონილა, რომ დამტკიცებული წესდება ვისთვისმე დაეძალდებოდა, გინდა თუ არა მიიღე და შეასრულე. გინდა თუ არა „ყუახანა“ გახსენიო. არსებობს, მაგალითად, წვრილი კრედიტის საზოგადოების წესდება, მაგრამ კი არაფის აძალებენ მის განხორციელებას. ჩვენ კი საჯაყი საქმე დაგვემართათ თავის გემოზე გადაკეთებული წესდება დამტკიცა მთავრობამ და გვიბრძანა კასის წარმოება იმ დღიდან დაიწყეთ, როცა წესდება დაგიმტკიცეთო. რა ჰქვია ამას, თუ კანონიერების და უფლების დარღვევა არა? მით უმეტეს არ არის შესაწყნარებელი ასეთი ძალდატანება, რომ ორმა საბლადოჩინომ მაინც, როგორცვიკით, პროტესტი განაცხადა და სთხოვა მის მეუფებას კასის წარმოების დაწყება შეეჩერებინა შემდეგ მორიგ კრებადის.

გამგეობა კასის წარმოების დაწყების ბრალს სამლედლოების უკანასკნელ კრებას ახვევს თავზე, გამგეობა ამბობს, კრებამ დაადგინა „УСТАВЪ ПРИНЯТЬ“ და ეს ნიშნავს წარმოების დაწყების სურვილსო. რუსულს დღეს არ ვსწავლობთ და კარგათ გვესმის რას ნიშნავს „УСТАВЪ ПРИНЯТЬ“ და რას ნიშნავს „ОТКРИТЬ ДѢЙСТВІЕ КЛАССУ“. სამლედლოებამ მიიღო წესდება, მაგრამ წარმოებაზე სურვილი არ განუცხადებია, სანამ აღძრული შუამდგომლობა შესახებ ზოგიერთ მუხლების შეტანისა ან შეცვლისა არ დაკმაყოფილებოდა, და ყოველი შემთხვევისთვის გამგეობა აირჩია. კანტორამ არ შეიწყნარა შუამდგომლობა, თუშცა არც თვით სამლედლოების მიერ შედგენილ წესდებაში და არც საშუალოდგომლო მუხლებში არაფერი საწინააღმდეგო და შეუფერებელი არ ეტია რუსეთის ძირითადი კანონებისა და არა თუ მხოლოდ არ

შეიწყნარა, არამედ პიმენ ეპისკოპოსის უკან დამარულებული წესდება, წინააღმდეგ სამღვდლოების ერთი ნაწილის პროტესტისა ძალაში შეიყვანეს. ნუთუ ეს წესდების თავზე შემოხვევას არ ნიშნავს?

ამ ნაირად თუ წესდება ერთგვარი კანონია, რომელსაც მართებლობაც ანგარიშს უნდა უწევდეს, იგი თვით მართებლობისაგან უნდა დარღვეულად ჩაითვალოს, რადგან გამგეობის ერთი წევრი სამღვდლოების არჩეული არ არის და რადგან კასის წარმოების სურვილი მას არ განუცხადებია: ამიტომ წარმოებაც უკანონოა და მწარმოებლებიც უკანონოდ იტყვიებენ თავს. აქედგან თავისთავად გამომდინარეობს, რომ კასის მთელი ეს ჯიჯგნა ძალდატანებაა და საზარალო ძალდატანებაც.

რომ წესდება ძალდატანებაა ამის უტყუარი საბუთი კანტორის უქაზი და პიმენ ეპისკოპოსის რაპორტის პირია, რომელიც ინახება სამარხი კასის საქმეებში და რომლის გამოქვეყნებას ვთხოვთ გამგეობას სიმართლის აღსადგენად.

რაც შეეხება ზოგიერთ აბდა უბდას, რაზედაც ლაპარაკია გამგეობის პასუხში, ამათზე ჩვენ არას ვიტყვი, რადგან თავის თავად ცხადია მათი ფუქსავატობა.

მხოლოდ არ შეგვიძლია ორიოდ სიტყვით-არ უპასუხოთ მას ორ საუცხოვო თავის მართლე ბაზე, რომელიც პირდაპირ გამოანგარიშებელია, რომ თვალი აუხვიოს მკითხველს.

გამგეობა ამბობს: რაც სინოდმა დაამტკიცა, მისი შეცვლა ჩვენ არ შეგვიძლია და ამიტომ საწარმოო სასყიდლად ვერც ექვსას მანეთს ავიღებთ და ვერც ერთ შაურს მანეთზე, აჩამედ უნდა ავიღო თუთუოდ ორი შაური მანეთზე, რადგან სინოდისგან დამტკიცებულ წესდებაში ეს არის დადებულიო. გამოდის, რომ გამგეობას სიმბირში გაგზავნიან, თუ მკირე სასყიდლით აწარმოვა საქმე. მაგრამ მაშინ რა უნდა მოუვიდეს კანტორას, რომელმაც დაარღვია წესდების ის მუხლი, რომელიც გამგეობის არჩევას საღვდლოებას აკუთვნებს?

გამგეობა ამბობს, ჩვენ რომ კასის გამგეობაზე, უარი გვეთქვა, სულ ერთია, სხვა გამგეობა შესდგებოდნაო.

გეობა შესდგებოდნაო.

ყოველი კაცი პირადად თავის ცოდვებზე აგებს პასუხს. გამგეობის ასეთი პასუხი იმას ჰგავს, კაცმა რომ ბოროტება ჩაიდინოს და შემდეგ თავი ასე იმართლოს: —სულერთია, მე რომ არ ჩამედინა, სხვა ხომ მაინც ჩაიდენდაო. საუცხოვო თავის მართლდება!...

ვინმე მღვდელი.

წერილები რედაქტორის მიმართ.

დიდათ ზატიუცემულო, ჩვენთვის სასიქადულო თანამძაო,

მამაო სვიმონ!

სალამს გიძღვნით და სიხარულით ვეგებებით თქვენს წინადადებას გაზეთის გამოცემის შესახებ; მადლობასა გწირავთ გამოხმაურებისათვის, რომლის მეოხებითაც შეძლებისა და გვარად სკდილობთ სამღვდლოების გამოფხიზლებას და მის ცხოვრებაში სიცოცხლის ნაპერკწალის გაღვივებას. ნურასფერს შეუშინდებით, მამაო სვიმონ, თქვენი განზრახული საქმისათვის უნარიცა გაქვთ და ძალაც შეგწევსთ, ხოლო რაიცა შეეხება ხარჯების დაფარვას, იმედია, ამ მხრითაც კარგათ წაეა საქმე, როცა თქვენი შეუღრეკელი ბრძოლა სამღვდლოების სიკეთისათვის დასძლევს სიბრმავეს ზოგიერთა შურიანი და ხარბი ადამიანებისას, რომელთაც თავიანთი უმზგავსო მოქმედებით სათავეში უნდათ კეთილი და სასარგებლო საქმის ჩაკვლა. როცა იქნება, მაინც კეთილი ბოროტსა სძლევს და საქმეც კარგად წაეა. მაშ გაძნეველით, ჩვენო ღირსეულო თანამძაო, და ღმერთიც შეგეწევით ამ ფრიად სიმპატიურ საქმეში.

ამ რიგათ, ჩვენ თანახმა ვართ გაზეთის გამოწერაზე და თანაც დავსძენთ, რომ იმდენი სამართლიანი და სასიამოვნო რამე ამოვიკითხეთ თქვენ მიერ ახლად მოწოდებულ გაზეთში, რომ მარტო ეს ნომერი გვიღირს ხუთ — ხუთ მანეთად. ვისმეს სულმდაბალს და გაიძვერას არ ეგონოს, რომ ჩვენ ეს სიმდიდრით მოგვდიოდეს; მასში ამოვიკითხეთ ის, რაც ჩვენს გულს სტანჯავდა და არსაიდან კი ხმა არ გვესმოდა. ოღონდაც სიმართლე გავიგონოთ ამ ვათახსი-

რებულ და სულიერად დაცემულ ცხოვრებაში და ჩვენ მზათა ვართ უკანასკნელი გროშიც კი შეესწიროთ ამას. ყველა ჩვენი გვთელავს, ყველა ჩვენი ბატონი შეიქნა უბრალო იასაული-დგან მოკიდებული, ჩვენ პიროვნებას აღარავინ აფასებს, უფულებოა მონებათ მოგენათლეს და ყოველადე ამას პასუხის გაცემა ესაჭიროება, სი ჩუმე და სიმხდალე მიწასთან გაგვასწორებს და, ამასაც რომ თავი გავანებოთ, განა ჩვენ ვალ-დებულნი არა ვართ სიმართლისათვის ხმა ავი-მადლოთ?..

ამისათვის კი სიჭიროა იარსებოს თქვენმა ორგანომ „შინაურმა საქმეებმა,“ რომელსაც სულით და გულით უსურვებთ აღორძინებას და სრულ გამარჯვებას.—

მღ. პარმენ ყიფშიძე.
მღვდელი. ანთიმოზ. მესხი.

მამაო სიმონ!

დიდი სიამოვნებით ვეგებები თქვენ გან-ზრახვას. არამც თუ ერთი, დარწმუნდით არც ათი ეკზემპლიარის დაკვეთას დამიშლის გული, რომ ნივთიერი ღონე ხელს მიწყობდეს. ყოველ შემთხვევაში ვცდილობ, რაც შეიძლება, გაშრავლდეს ხელის მომწერთა რიცხვი თქვენი გამოცემისა. სასირცხოდ მიმაჩნია, ამაზე თუ ლაპარაკი გვჭირდება. მთელ დასავლეთ საქარ-თველოს საშლედლოებას ერთად ერთი ორგა-ნო გვაქვს და ისიც უნდა მოისპოს ჩვენი გულ-გრილობით? ნუ თუ ისე დაუღარიბდით, რომ ერთ წელიწადში ხუთ მანეთს სამ ვადაზე ვერ გადავიხდით? არა, აქ მიზეზი სიღარიბეში არაა, ჩვენი გულგრილობაა და თან ზოგიერთა პი-როვნული ანგარიშები და, ბოდინს ვიხდი, ზოგი-ერთთა უფიცობა, სასირცხო არაა, რომ ეხლანდე-ლი მღვდელი მხოლოდ გაძლომის ფიქრით იყოს გამსჭვალული და მარტო თავის „მე“ ჰყავდეს კერბად! უფიცთ კიდევ ეპატიებათ, რამეთუ არა იციან, რასა იქმან, მაგრამ რა ვსთქვათ იმ ზო-გიერთებზე, რომლებიც სარკედ უნდა უდგნენ სამწყსოს? ვაი რომ იმათაც პირველ ხარისხ-ზედ „მე“ ჰყავთ დაუნებული და თითო-ორო-ლა მონდომილი კაცის კეთილ მისწრაფებას

ირონიულად უყურებენ. რა თქმა უნდა, ბუ-ნებრივია თავის „მე“-ს პატივისცემა, მაგრამ ამასაც საზღვარი აქვს, — ეგოისტობამდი არ უნ-და მიიღწიოს, ქვეყანა და ქვეყნის საქმე ფე-ხებზე არ უნდა დაიკიდოს.

განა მკირე რიცხვია უმაღლეს და სამ-ვალო განათლებულთა პირთა ჩვენში... მაგრამ ამათზე ლაპარაკი შორს წაგვიყვანს. თუ ღმერ-თმა ინება და „შინაური საქმეები“ განახლდა ამაზე იქ ვიბაასოთ შემდეგში.

თქვენი წრფელი განზრახვის განხორციელების უგულოთადესი მოსურნე მღ. თეოფანე ნადირაძე.

დიდათ პატივეცემულო

მ. სიმონ!

ზედმეტათ მიმაჩნია ლაპარაკი იმაზედ, რომ თქვენი გამოცემა — „შინაური საქმეები“ მეტათ-და მეტათ საჭიროა, განსაკუთრებით კი საშლ-ვდლოებასთვის, ამის გამო მისი შეჩერება არა სასურველი და მავნებელიც იქნება. გთხოვთ, მეც მიქონიოთ სახეში სხვა ხელის მომწერელ-თა შორის.

თქვენი პატივის მცემელი,
მლად. დეკ. მ. გორდუხიანი.

ყველსაგან დიდათ პატივეცემულო, ძვირფასო მამაო სიმონ!

მიიღეთ ჩემი გულწრფელი სალოამი. მე ჩემ-და თავათ და ჩემის მხრით დიდი მოხარული და კმაყოფილი ვიქნები, თუ „შინაურ საქმე-ებს“ კვლავ განახლებთ და თქვენ ჩვეულებ-რივ ენერგიულ ნაყოფიერ შრომას სამშობლო ლიტერატურაში არ მოგვაკლებთ; მე ყოველ-თვის დიდის აღტაცებით და სიამოვნებით ვი-წერდი მაგ გაზეთს და ებლაც კიდევ მზათა ვარ. — მაგ სიმპატიური ორგანო, მით უმეტეს, ჩვენ ღროში გასაუქმებელი და დასაკტი არ არის, თუ რეგრესიულ ვზას არ დაადგება ჩვენი თა-ნამეები... მხოლოდ საჭიროა თქვენ ქუთაისს ან შორაპანს დაუბრუნდეთ.

მღვდ. ბ. ვაშაძე.

მამაო სიმონ!

დიდათ გავიხარე, რომ თქვენ ისევ აპირებთ „შინაური საქმეების“ გამოცემას. სწორეთ ეხლა არი ჩვენთვის საჭირო ჩვენი საკუთარი გამოცემა. იმედია ენერგიულათ მოკიდებთ ხელს თქვენ მიერ დაწყებულ საქმეს, კარგათაც წაიყვანთ. მიმიღეთ აქედამდე ერთ-ერთ ხელის მომწერლათ; დიდი უდიერობა იქნება ჩვენი სამღვდლოების მხრით, რომ 500 ხელის მომწერი არ გეყოლოთ.

დეკ. რ. წერეთელი.

მამაო რედაქტორო სიმონ!

დიდათ გვიხარიათ თქვენი პატივცემულ გაზეთის „შინაური საქმეების“ აღდგენა. უსურვებთ მას მართლა განხორციელდეს და ასრულდეს მის დანიშნულებას ისე, როგორც მოსალოდნელია.

დეკანოზი ს. თვალთვაძე.
მღვ. აქ. თვალთვაძე.
მღვ. თ. თვალთვაძე.

კვირიდამ კვირამდე.

ქუთაისში გაიხსნა სასულიერო სემინარია. წაყვლა დაიწყება სასულიერო სასწავლებლის შენობაში 15 ეკენისთვის.

სოფ. წყნორში მღვდლის სიმონ მჭედლიძის წინადადებით შესდგა რამში გასულ ჯარისკაცთა ოჯახების დამხმარე სამზრუნველო რომლის მოვალეობაა თავთავის დროზე აცნობოს სამრევლოს, თუ რა ესაჭიროება მოხსენებულ ოჯახებს, რომ სამრევლომ შესაფერი დახმარება გაუწიოს. კარგი იქნება ასეთი სამზრუნველოები სხვა სამრევლოებშიც დაარსდებოდეს, რაზედაც უპირველეს მღვდელმა უნდა იზრუნოს.

ქუთაისში მდგომარე წელს გაიხსნა ორი ცოდო საშუალო სასწავლებელი კომერციული და ქალთა ქართული გიმნაზია. პირველში სწავლა 20 ეკენისთვიდან დაიწყება, ხოლო მეორეში მისაღები ექვამენები 9 ეკენისთვიდან დაიწყოს.

როგორც „სახ. ფურცელი“ იუწყება საქართველოს ეკზარხოსს ნება დაურთავს გაიხ

სნას ქუთაისის სასულიერო სასწავლებლის დაბალი მოსამზადებელი კლასის პარალელური განყოფილება მშობლების ხარჯით.

თანახმად პროტოპრესვიტერის კანცელარიის ცნობებისა გასულ წელში ზრძოლის ველზე და ზღვაში დახოცილა 29 მღვდელი და მღვდელმონაზონი, უკვალოთ დაკარგულა 14, არმიიდან გამოაკლდა 67 მღვდელ მსახური.

არუსეთის მეფისა და საფრანგეთის პრეზიდენტის ტელეგრამ თ ურთიერთ შორის გამომხმარება.

პარიზიდან ცნობა მიიღეს 25 აგვისტოს თარიღით, რომ მისმა იმპერატორობითი უდიდებულესობამ 24 აგვისტოს საფრანგეთის პრეზიდენტს შემდეგი ტელეგრამით მიმართა: „ვდგები რა დღეს ქველობით განთქმულ ჩემი არმიის სათავეში, მე განსაკუთრებულ სიამოვნებით მოგმართავ თქვენ, ბატონო პრეზიდენტო, უწრფელესი სურვილებით საფრანგეთის განდიდებისა და მისი სახელოვანი არმიის გამარჯვებისათვის“.

პრეზიდენტმა ტელეგრამითვე უპასუხა 25 აგვისტოს შემდეგი:

ღებულობთ რა პირადათ თქვენს თავზე თქვენი გმირი არმიის სარდლობას, მე ვიცი, რომ თქვენ უდიდებულესობას განძრახვა აქვს საბოლოო გამარჯვებამდის ენერგიულად განაგრძოთ ომი, რომელიც თავზე მოახვიეს მოკავშირე ერებს, და გიძღვნი საფრანგეთის სახელით თვით უუმხურვალეს გრძნობებს.

თეატრი სოფელში.

თეატრი ფართო აღვიღეს იქერს კაცობრიობის საზოგადოებრივ ცხოვრებაში. რომის იმპერიაში თუ თეატრა გასართობ სახლად ითვლებოდა, თანამედროვე ცხოვრებაში მას დიდ ზნეობრივად აღმზრდელ მნიშვნელობას აძლევენ. დღეს ყველა დარწმუნებულია, რომ თეატრი აღამიანის ბუნების გაკეთილშობილებას ემსახურება, და ამიტომ საერთო სურვილია თეატრი ფართოდ მოეფინოს სოფელ-ქვეყანას. ამიტომ გასაკვირვალი არ არის, რომ ქართულმა ინტელიგენციამ გადააჭარბა ამ საქმეში და თეატრი ქალაქადგან სოფლად გაიტანა. ასეთია ჩვენი ქართველური ბუნება, თუ ყველაფერში არ გადაეჭარბეთ; სოციალდემოკრატიებისა არ იყოს, არ შეგვიძლია, ვერ მოვისვენებთ.

სწორეთ ასეთ გადაქარბებად მიგვაჩნია ჩვენ სოფ. საგარეჯოში თეატრის გახსნა, რასაც ბ.ნ. ზ. ი. ჩხიკვაძეზე ფრიად სასიამოვნო შთაბეჭდილება მოუხდენია. აი როგორ აგვიწერს ბ. ჩხიკვაძე ამ სასიხარულო ამბავს:

„ჩემდა სასიამოვნოდ სწორეთ პირველად ამ ახალ თეატრის გახსნას დავესწარი, სრულებით შემთხვევით. დიდ-ძალი ხალხი დაესწრო, როგორც იქაური და ახლო-მახლო სოფლების ინტელიგენცია, ისე უფრო მომეტებულად გლეხობაც.“

სწორედ სასიამოვნო იყო, როცა ამოდენა ხალხი დაეინახე სოფლის თეატრის წინ. ბილეთების გაყიდვას ველარ ასლიოდნენ და ხალხი კარგა ხანი ერთ ალავას იყო დაზღვეებული, მაგამ ერთმა სანახაობამ დამიკოდა გული და არ შემოძლიან ჩემი გულსწყრომა არ გამოვსთქვა: თითქმის საათ ნახევარზე მეტი ხანი ვიდექ მათ შორის და ამ ხნის განმავლობაში ერთი ქართული ლაპარაკი ვერავისაგან გავიგევისაც შევძლო, თუ არ შევძლო, სულ ყველარუსულად ლაპარაკობდა, და რომ არა მკოდნოდა, რომ ეს ამბავი სოფ. საგარეჯოში ხდებოდა, ჩემი თავი შუა რუსეთის რომელიმე ქალაქში მეგონებოდა. გული დამწყდა და ვიფიქრე, თუ რად დავეცით ისე, რომ ჩვენ ენაზე ლაპარაკი სოფელში თავის დამკირებად მიგვაჩნია.

ახლა რამდენიმე სიტყვა, თვით იმ ლამინდელ წარმოდგენაზე, მაგრამ რა ვსთქვა, როდესაც არც პიესა და არც მოთამაშენი შესაფერისნი არ იყვნენ ამისთანა ღირს-შესანიშნავ დღისათვის. არას ვატყვი პირად მოთამაშებზედ, რადგან მეშინიან ვისმეს ვაწყენინო, მხოლოდ რამდენიმე სიტყვას ვიტყვი თვით ადგილობრივ დრამატულ წრეზე, თუ შეიძლება ასე ითქვას. უნდა გამოვსტყედეთ და გულ-აბდილად ვსთქვათ. რომ არამც თუ სოფლებში და დაბა-ქალაქებში, თვით ტფილისშიაც კი არ არიან ძალიან ბევრი სათეატრო საქმის მკოდნე პირნი. ამისათვის როდესაც სოფლად გვინდა მოვაწყოთ სახალხო წარმოდგენების გამმართველი ამხანაგობა, თუ კომიტეტი, მიუხედავად პიროვნულ სიფეარულისა თუ სიძულვილისა, ამ კომიტეტში იმისთანა პირები უნდა ავირჩიოთ, რომელნიც მართლა საქმეს გამოადგებიან, ცოტათ თუ ბევრად გამოცდილები არიან და მათი შემწეობით ახალი სცენის მოყვარენიც გამოიკლებიან. ამას გარდა ეს კომიტეტი უნდა დიდის დაკვირვებით არჩევდეს ქართულ

პიესებს სოფლის სცენაზე გამოსადეგს, რადგან წინააღმდეგ შემთხვევაში შეიძლება არა სასურველი შედეგი მოჰყვეს მათ შრომის. ამათთანავე მე ვგონებ ძალიან კარგი იქნება ყოველ წარმოდგენის დაწყებამდე ერთ-ერთმა წევრმა კომიტეტისამ მოკლედ განუშარტოს ხალხს შინაარსი და მიზანი ამა თუ იმ პიესისა, რა არის მოსაწონი და რა არის გასაკიცხი, თორემ შეიძლება ისე მოხდეს, როგორც იმ ლამინდელ წარმოდგენაზე. მაშინ, როდესაც ტარიელი და მისი თანამოაზრენი დუქანში ქეიფობენ და ემზადებოდნენ საწყალ სოფლის მასწავლებლის და მის მეუღლის შეურაცყოფისათვის, როდესაც ერთი მათგანი კვებავს, „ისეთი დავად რომ დავთრები დაეკარგოს“, როდესაც თვითონ ტარიელი უსამართლოდ და უკმეხურად შეურაცყოფას მიაყენებს მასწავლებელს და მის მეუღლეს; სინანულისა, შებრალებისა და გაკიცხვის მაგიერ, ტაში და ვაშა მიიძახეს ხალხმა ტარიელს.

აი რა არა სასიამოვნო შედეგამდის შეიძლება მივიდეთ და სარგებლობის მაგიერ დიდი ზიანი მიუტანოთ მდაბიო ხალხს.“

რა არის აქ, მთელ ამ მოთხრობაში სასიამოვნო ან სადღესასწაულო? ის ხომ არა, რომ ქართველი ინტელიგენცია, ქართული თეატრის შემქნელი, ქართულად ლაპარაკს ვერ ახერხებს, ან არ კადრულობს, ან ის, რომ ხალხი რალაც სანახაობის მოლოდინში, ბილეთებს ერთიმეორეს ჰკლევს ხელში, თუ ის რომ წარმოდგენას ყოვლად სძაგლად ჩაუვლია, ან კიდევ ის, რომ პიესას მიზნისთვის ვერ მიუღწევია და სწორეთ იქ გამოუწვევია სიცილ-ხარხარი და უკმები გშირისადში თანაგრძობა, სადაც მისდამი ზიზღს და მისი სხვერპლისადმი სიბრაღულს და თანაგრძობას უნდა ჰქონოდა ადგილი?

ჩვენ ვერაფერ სასიამოვნოს ვხედავთ საგარეჯოს თეატრის დაარსებაში, თუ მას მიზნად აქვს მდაბიო მუშა ხალხი შეიტყუოს თავის კედლებში და რამოდენიმე საათის შემდეგ სნეობით მოწამლულ მოშხამული გაისტუმროს. ხოლო არაფერი გვაქვს საწინააღმდეგო, თუ ადგილობრივ ინტელიგენციას ქართული ენის შესასწავლად დაუარსებია საკუთრად თავისთვის. (შემდეგი იქნება.)

რედაქტორი: მლ. ს. მჭედლიძე.

გამომც.: ი. ლევაია.

ხედავართულო საშხ. ცეზზორისაგან. ქუთაისი. სტამბა „ძმობა“, ქარვას. ქ. სახლი ჩარეკოვისა.